

Tsgħa ta lwa Pwal ƚa Filimuj

Ga zgu

¹ I'i Pwal Tsam lu ma gamak ta ghəŋa vəl maganata dā ta slna ta Yesu Kristi*, kawadaga nda zwaŋama mu Timute ƚni ta vindagħafta, a gra Filimuj ta nzakway ta gwa ghəŋ nda aŋni ma mndərga na slna na.

² Ta ga zgu ƚni ƚa mukuma mu Apiya nda Artipus† ya ta wda slna Lazglafta manda aŋni guli. Ta ga zgu ƚni guli ƚa pđakwa sanlaha ma Igliz ta tska vgha ma həga ga ghuni ka maga du'a. ³ Ka nza zdakatahudā Lazglafta Da nda Mghama mu Yesu Kristi ta ghəŋa ghuni. Ka vlagħunata həŋ ta zdaku.

Rfay Pwal ta Lazglafta ta ghəŋa Filimuj

⁴ Inda fitika magay dā ta du'a, ta kulay yu ta hga gha, ka rfa Lazglafta ta ghəŋa kagha, ⁵ kabga snidighasna na zlghay ya zlghaf ka ta Mghama mu Yesu Kristi, nda đvuta ya đvu ka kahwathwata ta gwal zlghay nda ƚuduf. ⁶ Ta maga du'a yu da Lazglafta ka maravata pghatā ghəŋa na zlghay nda ƚuduf nda gwa u mida na, nda ma slna u. Mantsa, ka zlagapta ƚərma skwi ta kumə ƚni ta magata gha ƚa Kristi bđaŋay ta dabi. ⁷ Zwaŋama dā, mndərga tsa đvu ta đvu ka ta gwal zlghay nda ƚuduf ya ná, vlihavla ta rfu, ta ufiha ta vgha guli, kabga đvuđva ka ta gwal zlghay nda ƚuduf, ka mbanaftā həŋ.

Ndəba dzva Pwal da Filimuj ƚa tsu'aftā Unesima

* 1:1 Ngha ta ayaha 13, 22 nda 23. † 1:2 Ngha ta Ruma. 16:5.

⁸ Anj mndani, má si slaghusla yu ma nzakwa dá ka ghunatá mnda Kristi, má ña mnaghatá tva skwi ma ña magay gha dina. ⁹ Ama dzvu ta ndəbu yu da kagha nda ma dvu. I'i Pwal ya, glata mndu yu guli, wana ndanana tsamtsa lu ta i'i ma gamak, kabga maganata dá ta slna ta Yesu Kristi. ¹⁰ Ta ndəba dzvu yu da kagha ta ghəña zwaña dá Unesima ya mutsaf yu ma Kristi, ma na nzakwa dá ma gamak na. ¹¹ Wya si had' hayhayani da kagha ghalya wa. Ndana tama, dza'a katay ta kagha nda i'i tani.

¹² Wya yu ta ghunədaghapta, ya hara dá ya. ¹³ Si má ta kumay yu ta ñaghuta tavata i'i hadna ma na nzakwa dá tsam lu ma gamak ta ghəña Lfidá Gwada, má ña magihatá slna ma vla gha, ya má da dawu yu ta magihata gha. ¹⁴ Tsaw tama ná, laviñ a yu ta magay ga ghəñ ga ghəña dá kul snanatá yu da kagha wu, ba má da kagha katsi sabi da nzakw tsa zdakwa gha ya ka mbla kagha.

¹⁵ Ba kada vrəglavaftha nzakwa ghuni ña kdekedzeñ ká skwi nda Unesima kəl tsi ka dgata vgha nda kagha ña fitik kwitikw. ¹⁶ Ndanana ná, ta ka vu'a a nzakwani wu, mal tsatsi ka vu'a, nda nza ka zwañama mu tegedteged. Dvudva i'i, kagha yeya dza'a kwal kul dvafta rki. Mnda səla ya, zwañama gha ya guli ma Kristi.

¹⁷ Ka si klafkla ka ta i'i ka gra gha katsi ná, ka zlghafta ka manda skwi vərda i'i ta zlghə ka. ¹⁸ Ka si mamu dmaku mataba ghuni, nda ya ka mamu skwa gha da tsi, da i'i dawa ka. ¹⁹ I'i Pwal, ta vindafta nda dzva dá yu, dza'a play yu, dməña dá kagha ma zlgha nda ñuduf a skwi ta kumə yu ta mnay guli wa. ²⁰ Mantsa zwañama dá, ta ndəba dzvu yu da kagha ma hga Mghama mu, ka lbihata ka ta ñudufa dá ma guyatá vgha u ma Kristi.

²¹ Ta vindi yu ta na delewer na ná, nda sna yu kazlay: Dza'a magihamaga ka ta skwi ta dawu yu da kagha, nda

sna yu guli dza'a magamaga ka ka malaghutá ya mna yu kə'a.

²² Mantsa, ta daway yu ta payidifta gha ta dzuguvi guli. Ta grafta yu ná, dza'a tsu'aftsu'a Lazglafta ta du'a ghuni ɲa vlihatani ta tvi ɲa bhadaghata da da kaghuni.

Ga zgu ɲa dza ghəɲa gwada

²³ Ta ga zgu Ipafras[‡] ɲa gha, ya tsam lu ma gamak kawadaga nda i'i ta ghəɲa maganatani ta slna ta Yesu Kristi. ²⁴ Ta ga zgu i Markus nda Aristarkus nda Demaska nda Lukwa, gwal ta ksə ɲni ta slna[§] kawadaga da həɲ, ɲa gha guli.

²⁵ Ka nza zɔakatahuda Mghama mu Yesu Kristi nda kaghuni.

[‡] 1:23 Ipafras: Ngha ta Kwalasuha 1:7, 4:12. [§] 1:24 Markus: Ngha ta 2 Timute 4:11, Aristarkus: Ngha ta Slna gwal ghunay 19:29, 27:2, Kwalasuha 4:10. Demas: Ngha ta Kwalasuha 4:14, 2 Timute 4:10. Lukwa Ngha ta Kwalasuha 4:14, 2 Timute 4:11.

Deftera Lfiċa Dżratawi New Testament in Hdi

copyright © 2013 Wycliffe Bible Translators, Inc.

Language: Hdi

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Hdi

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

